

AMASEZERANO Y'UMURIMO Y'IGIHE CY'IGERAGEZWA

Habaye amasezerano hagati ya:

VIRUNGA EXPRESS Ltd, Sosiyete yanditswe muri RDB kuri TIN 102269784, na numero ya RSSB 3103389800000A, BP : 5493 Kigali - Rwanda, ibarizwa kuri Tel **0788308620/0788300684**, email virunga2020@yahoo.fr ihagarariwe na **KARANGWA DUSABE Jean Paul** Umuyobozi Mukuru wayo;

Ku ruhande rumwe, akaba yiswe **"Umukoresha"** muri aya masezerano;

Na

Bwana **NTIVUGURUZA Jean Damascene**

Ufite ubwenegihugu bw' **Umunyarwanda**, Indangamuntu/Pasiporo N° **1198480033392046** wavutse ku wa **01/01/1984**, ubarizwa kuri Telefone **0788618551**, utuye mu Kagari ka **GACACA** mu Murenge wa **RUBENGERA**, mu Karere ka **KARONGI**;

Ku rundi ruhande, akaba yiswe **"umukozi uri mu igeragezwa"** muri aya masezerano;

IMPAMVU Y'AYA MASEZERANO

Hakurikijwe amategako ya Leta y'u Rwanda, by'umwihariko itegeko n° 66/2018 ryo kuwa 30/08/2018 rigenga umurimo mu Rwanda, abayagiranye bemeranyijwe ibi bikurikira:

Ingingo ya 1: imiterere y'amasezerano

Impande zombi zigiranye amasezerano y'igihe cy'igeragezwa cy'amezi atatu 3 (Période d'essai de trois mois).

Ingingo ya 2 : Imirimo umukozi uri mu igeragezwa azakora

Abagiranye aya masezerano bemeranyijwe ko ari umukozi uri mu igeragezwa ushinze imirimo ijyanye no gutwara imodoka zitwara abagenzi (Chauffeur) muri **VIRUNGA EXPRES Ltd**.

Ingingo ya 3: Aho umurimo uzakorerwa n'iyimurwa ry'umukozi uri mu igeragezwa

Umukozi uri mu igeragezwa azakorera akazi ke i **NYARUGENGE**, ariko mu nyungu z'akazi ashobora no koherezwa n'umukoresha we gukorera akazi ke aho ariho hose mu Rwanda cyangwa mu mahanga.

Ingingo ya 4: Inshingano z'umukozi uri mu igeragezwa

Umukozi uri mu igeragezwa afite inshingano zikurikira:

- Kwibwiriza gukora akazi ashinzwe, kugira ubudakemwa, ubwitonzi, n'ubunyangamugayo mu mikorere ye;
- Kubungabunga umutungo wimukanwa n'utimukanwa wa **VIRUNGA EXPRESS Ltd** akoresha mu kazi,
- Kuzuza ibitabo byose bijyanye n'imicungire y'umutungo ashinzwe gucunga,
- Kuzuza Inyandiko zindi nk'uko biteganyijwe mu mabwiriza y'akazi,
- Kwakira no korohereza abafite mu nshingano zabo ubugenzuzi bw'imbere mu kigo,



Kwakira neza abamugana ariko cyane cyane; kubaha no guha serivise inoze, abakiriya ba **VIRUNGA EXPRESS Ltd**,

- Kubahiriza amasaha y'akazi no gushyira mu bikorwa andi mabwiriza yose ahawe n'umukoresha ajyanye n'umurimo we.

Ingingo ya 5 : Inshingano z'umukoresha ;

Umukoresha afite inshingano zikurikira:

- Kugenera umukozi uri mu igeragezwa ibikoreshe akeneye mu kazi ke
- Kugenera umukozi uri mu igeragezwa aho gukorera umurimo ashinzwe.
- Kuyobora no gutanga gahunda y'uko imirimo y'ikigo ikora.
- Guhamba umukozi uri mu igeragezwa no kumutangira imisanzu y'ubwiteganyirize.

Ingingo ya 6: Ibijyanye n'amasaha y'umurimo

Igihe cyo gutangira no gusoza umurimo kigenwa n'umukoresha bitewe n'imiterere y'akazi umukozi uri mu igeragezwa akora. Abagiranye aya masezerano bumvikanye ko, bitewe nuko akazi ka VIRUNGA EXPRESS Ltd gateye, umukozi uri mu igeragezwa ashobora gukora amasaha y'ikirenga ariko akoroherezwa nawe ahabwa igihe cy'ikiruhuko mu rwego rwo kubahiriza amasaha y'akazi umukozi uri mu igeragezwa atagomba kurenza mu cyumweru.

Ingingo ya 7 : Ibijyanye n'umushahara

• Umushahara fatizo ungana na:	34.569 Frws
• Amafaranga urugendo angana na:	34.569 Frws
• Amafaranga y' icumbi :	34.569 Frws
• Amafaranga ajyanye n'imiterere y'akazi (Heures Supplémentaire):	11.523 Frws
• Uruhare rw' umukoresha ku mafaranga y' ubwiteganyirize 5.3%:	4.275 Frws
• Umushahara mbumbe ungana na:	115.231 Frws
• Umusoro umukozi uri mu igeragezwa atanga ku mushahara ungana na :	12.569 Frws
• Uruhare rw' umukozi uri mu igeragezwa ku musanzu w' ubwiteganyirize 3.3% :	2.662 Frws
• Umushahara umukozi uri mu igeragezwa abona	100.000 Frws

Ingingo ya 8: Ibijyanye n'ikiruhuko cy'umwaka

Umukozi uri mu igeragezwa afite uburenganzira ku kiruhuko giteganywa n'amategeko. Iki kiruhuko agihabwa abisabye mu nyandiko isaba ikiruhuko' kandi akakijyamo ari uko abihereye uburenganzira n'umukoresha we. Igihe umukozi uri mu igeragezwa akeneye uruhushya rudasanzwe; arusaba Umuyobozi Mukuru kandi nabyo akabikora mu nyandiko. Iminsi asabye ikazakurwa mu kiruhuko cy'umwaka.

Ingingo ya 9: Gusiba akazi ku mpamvu z'uburwayi

Iyo umukozi uri mu igeragezwa asabye akazi bitewe n'impamvu z'uburwayi agomba kuzana icyemezo cya muganga wemewe na Leta kibigaragaza. Ibura kukazi rirengeje iminsi ibiri(2) ku mpamvu itazwi, umukozi uri mu igeragezwa asabwa kugaragaza impamvu atabikora bigafatwa nk'ikosa rikomeye riteza umukoresha igihombo.



Ingingo ya 10: Inshingano y'imyitwarire myiza ku kazi

Umukozi uri mu igeragezwa ashinzwe gukora akazi yahawe neza. Agomba kandi kwirinda ibikorwa n'imyitwarire byakwangiza isura y'ikigo akorera imbere y'abakiriya bacyo ndetse n'imbere y'ibindi bigo byaba ibikora imirimo isa n'iy'umukoresha cyangwa imbere ya rubanda.

Ingingo ya 11: Kubahiriza amabwiriza ngengamikorere

Mbere yo gutangira imirimo ye muri VIRUNGA EXPRESS Ltd, umukozi uri mu igeragezwa ahawe kandi asomye amabwiriza ngengamikorere y'ikigo kandi yiyemeje kuyubahiriza. Mu gihe icyo ari cyo cyose ari mu kazi ke akanyuranya nayo bizafatwa nk'ikosa rikomeye.

Ingingo ya 12 : Ibanga ry'akazi

Nk'uko biteganywa n'amategeko, umukozi uri mu igeragezwa agomba kugira ibanga ry'akazi n'iryo yaba azi k'ubuzima bw'ikigo akorera kandi afite inshingano zo kuribungabunga, kurimena bigafatwa nk'ikosa rikomeye.

Ingingo ya 13: Gusesa amasezerano

Buri ruhande mu bagiranye aya masezerano rufite uburenganzira bwo kuyasesa. Uruhande rwiyejeje gusesa amasezerano ku bushake rugomba kubikora mu nyandiko kandi rugomba gutanga integuza iteganywa n'itegeko. Uruhande urwo ari rwo rwose rutakubahiriza ibijyanye n'integuza, rwabitangira indishyi.

Umukozi uri mu igeragezwa ashobora kwirukanwa nta nteguza ku mpamvu z'ikosa rikomeye ariko akabanza kubimenyeshwa mu gihe cy'amasaha 48 ateganywa n'itegeko rigenga umurimo mu Rwanda .

Ingingo ya 14: amategeko ngenga mikorere

Impande zombi ziyemeje kubahiriza amategeko ngenga mikorere y'ikigo.

Ingingo ya 15: Gukemura impaka n'amakimbirane

Impande zombi zumvikanye ko impaka zavuka mu ishyingirwa mu bikorwa ry'aya masezerano y'akazi zasuzumwa mu bwumvikane. Mu gihe izo mpande zidashoboye kumvikana ku mwanzuro uzinogeye, utanyuzwe akiyambaza inzira z'inkiko.

Ingingo ya 16: Iyubahirizwa ry'amasezerano


Aya masezerano atangira kubahirizwa ku itariki impande zombi ziyashyiriyeho umukono, kandi akozwe mu nyandiko ebyiri z'umwimerere kandi buri ruhande rutwaye umwimerere warwo.

Bikorewe I Kigali, ku wa 06/03/2023

UMUKORESHA

VIRUNGA EXPRESS Ltd, ihagarariwe n'Umuyobozi Mukuru

KARANGWA DUSABE Jean Paul



UMUKOZI URI MU IGERAGEZWA

NTIVUGURUZA Jean Damascene